

POSEBNA BUDGET PONUDA! DIREKTAN LET IZ TUZLE!

Istanbul

3 NOĆENJA. PETAK-PONEDJELJAK. PEGASUS AIRLINES.


Doživite čaroliju Istanbula – jedinstvenog grada koji spaja Evropu i Aziju, bogatu historiju, fascinantnu kulturu i savremeni način života. Ovo pažljivo osmišljeno budget putovanje avionom iz Tuzle pruža vam priliku da po pristupačnoj cijeni gradskim prijevozom i pješice istražite jedan od najljepših svjetskih gradova, uz savršen balans organizovanog programa i slobodnog vremena. Tokom boravka otkrit ćete najpoznatije znamenitosti Istanbula, ali i skrivene kutke koji daju poseban šarm ovom gradu... Šetnja kroz historijski dio grada, čarobni Balat, živahni Taksim i ulicu Istiklal, uz vožnju tramvajem, metroom i trajektom, pružiće vam priliku da grad doživite poput lokalnog stanovništva.

Poseban doživljaj donose prelazak na azijski dio grada, vožnja Bosforom, uživanje u gastronomiji i vrijeme za shopping na poznatim bazarima i u trgovačkim zonama...

PROGRAM PUTOVANJA

1. DAN, (PETAK), TUZLA – ISTANBUL – TRG TAKSIM – GALATAPORT

Sastanak putnika na međunarodnom aerodromu Tuzla u 08:30h. Let za Istanbul u 10:05h sa dolaskom u Istanbul u 12:45h. Nakon pasoške i carinske kontrole slijedi transfer do hotela. Smještaj u hotel. Kraće slobodno vrijeme za odmor. U nastavku dana slijedi fakultativni izlet na Taksim – srce modernog Istanbula i jedno od najdinamičnijih mjesta u gradu.



SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo


SARAJEVO Stari Grad: Ferhadija 16, telefon: 033 407 407, fax: 211 282; Viber/WhatsApp: +387 61 376 644

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; Viber/WhatsApp: +387 62 828 109

TUZLA: Džafer mahala 34, telefon: 035 283 666, 035 283 667; Viber/WhatsApp: +387 61 029 169

ZENICA: Maršala Tita 63, telefon: 032 409 409

www.centrotours.ba ID broj 4200153220232 Licenca broj: 07-05-22-13612



Ovaj poznati trg okuplja turiste i lokalno stanovništvo, a okružen je brojnim restoranima, kafićima, hotelima i trgovinama. S trga počinje poznata ulica Istiklal, idealna za šetnju, kupovinu i uživanje u atmosferi grada, a na samom dnu ulice nalazi se čuvena Galata kula, još jedan od simbola grada. Nakon šetnje glavnom gradskom promenadom spuštamo se do obale Bosfora, do novoizgrađenog modernog kompleksa Galataport sa brojnim restoranima, trgovinama, barovima, uređenim šetalištem i prelijepim pogledom na stari dio grada. Slobodno vrijeme za večeru, šetnju i kupovinu do 22:00h kada je predviđen povratak do hotela. Noćenje.

2. DAN, ISTANBUL CITY TOUR + KAPALI ČARŠIJA + KRSTARENJE I KVART ORTAKOY

Doručak. Nakon doručka u prijedopodnevnom satima slijedi fakultativno pješačko razgledanje monumentalnih građevina u starom dijelu grada: Hipodrom sa njemačkom fontanom, egipatskim obeliskom i zmijskim stubom, Sultan Ahmetova džamija – Plava džamija iz 17. vijeka čuvena i po pričama o 6 minareta, Topkapi palata u kojoj je u 16. vijeku bio smješten harem, državna administracija i vojna uprava (ulazak uz doplatu), Aja Sofija, remek-djelo bizantijske arhitekture (razgledanje izvana), Nakon obilaska prvorazrednih građevina u oblasti Sultanahmet, odlazimo do čuvene Kapali čaršije, najveće zatvorene pijace na svijetu gdje se u ukupno 65 ulica nalazi čak 4000 radnji! Slobodno vrijeme za kupovinu uz neizostavno cjenkanje.

U poslijepodnevnom satima današnji program nastavljamo krstarenjem Bosforom do kvarta Ortakoy tokom kojeg ćete uživati u jedinstvenom pogledu na evropsku i azijsku obalu Istanbula, raskošne palate, historijske tvrđave, džamije, mostove i luksuzne vile uz obalu. Ortakoy je šarmantan istanbulski kvart uz Bosfor, poznat po prelijepom pogledu na most i džamiju Ortakoy. Pun je kafića, restorana i malih trgovina, a posebno je lijep naveče kada se upale svjetla grada. Slobodno vrijeme za šetnju i fotografisanje. Ko želi, preporučujemo da upravo vodje proba čuveni Ortakoy kumpir. Povratak brodom do kvarta Eminunu, a zatim prema hotelu. Slobodno vrijeme. Noćenje.




3. DAN, (NEDJELJA), EVROPA – AZIJA – EVROPA

Nakon doručka slijedi fakultativni odlazak brodom u azijski dio grada, na Kadikoy, najveću općinu u Istanbulu koja broji preko 2 miliona stanovnika. Po dolasku prošetaćemo ćemo kroz poznatu Kadikoy čaršiju, jedan od najdinamičnijih dijelova azijske strane Istanbula. Istanbul je poznat po bogatoj gastronomskoj ponudi pa ćemo ovdje probati poznata turska jela – pide i lahmacun (bos. lahmadžun). Nakon Kadikoya nastavljamo prema Uskudaru i Salacaku gdje nas očekuje čuvena Djevojačka kula (danas svjetionik). Ova kula je jedan od simbola Istanbula i nalazi se na Bosforu. Legenda kaže da je car sagradio kako bi spasio svoju kćerku proročanstva po kojem će princeza umrijeti od ujeda zmije. Ova izolirana kula nije uspjela da izmjeni sudbinu careve kćerke koja je jednog dana poslala sluge po jabuke u čijoj korpi se krila i zmija koja ju je ujela. Do kule odlazimo malim brodićem (uz doplatu). Povratak u hotel metroom do stanice Yenikapi. Slobodno vrijeme. Noćenje.

4. DAN, (PONEDJELJAK), ISTANBUL – TUZLA

Rani doručak ili lunch paket. Slijedi transfer autobusom do aerodroma Sabiha Gokcen u 05:00h ujutro. Let za Tuzlu u 08:40h sa dolaskom u Tuzlu u 10:40h (lokalna vremena). Kraj putovanja.



PROMOTIVNA CIJENA: 555,00 KM/osoba*

*** Rani booking cijena za prvih 5 putnika. Regularna početna cijena 599,00 KM.**

CIJENA OBUHVATA:

- Povratnu avio kartu (ekonomska klasa, 20kg čekiranog prtljaga + 8kg ručnog prtljaga 55x40x20cm) na relaciji Tuzla-Istanbul-Tuzla,
- Sve aerodromske takse i TSC,
- 3 noćenja sa doručkom u dvokrevetnim ili trokrevetnim sobama u hotelu 3*
- Bus/mini bus/van transfere na relaciji aerodrom-hotel-aerodrom,
- Usluge pratioca grupe tokom boravka u Turskoj i kompletna organizacija putovanja

CIJENA NE OBUHVATA:

- PZ osiguranje 8,00 KM (obavezno),
- Fakultativne izlete (Taksim+Galataport – 25,00 KM, Istanbul City Tour – 40,00 KM, Tursko veče na brodu – 100,00 KM, Krstarenje Bosforom + Kvart Ortakoy – 50,00 KM, Azijska strana – 50,00 KM; Full Paket izleta – 250 KM; Paket izleta bez Turske večeri – 150,00 KM). *Izleti se realizuju gradskim prijevozom. Karte za gradski prijevoz nisu uključene u cijenu.*
- Doplatu za jednokrevetnu sobu 95,00 KM,
- Osiguranje od otkaza putovanja zbog bolesti -55,00 KM (neobavezno)
- Individualne troškove

VAŽNE NAPOMENE – MOLIMO PROČITATI!

***Ovo je Centrotours BUDGET putovanje.**

*** Promotivna cijena važi za prvih 5 putnika. Regularna cijena za ostale putnike iznosi od minimum 599,00 KM i više u ovisnosti od broja dostupnih mjesta po najnižoj cijeni avio karte.**

*** Cijene paket aranžmana navedene su na bazi najniže dostupne cijene povratne avio karte. U slučaju kada najniža cijena avio karte nije dostupna, cijena aranžmana biće skuplja za razliku u cijeni avio karte. Zato, rezervišite ranije, putujte povoljnije!**

*** Za rezervaciju ovog putovanja potrebno je uplatiti nerefundabilnih 400,00 KM, a ostatak najkasnije do 15 dana prije polaska na putovanje.**

Putnici na ovom putovanju obavezni su imati biometrijski pasoš sa datumom važenja minimum 5 mjeseci (150 dana) od planiranog dana povratka sa putovanja.

*** Uplatom akontacije putnik potvrđuje da je pročitao i prihvatio Program putovanja, Ugovor o putovanju i Opće uslove putovanja.**

*** Agencija ne snosi odgovornost za eventualne drugačije usmene informacije o programu putovanja.**

*** Agencija nije odgovorna u slučaju promjene satnice leta/letova ili kašnjenja od strane avio kompanije**

FAKULTATIVNI IZLETI

Cijene izleta navedene su po osobi i važe samo za prijavu i uplatu u agenciji prije polaska na putovanje.

Prijavu za izlete i uplatu izleta potrebno je izvršiti najkasnije do 15 dana prije polaska.

Izleti će biti realizovani u slučaju minimum 15 prijavljenih putnika.

Fakultativni izleti realizuju se gradskim prijevozom. Putnici plaćaju prijevoz (tramvaj, metro, bus, žičara, brod..) putem IstanbulCard koja košta cca 3,00 EUR, a jedna vožnja cca 0,80-1,30 EUR.

Agencija zadržava pravo promjene redoslijeda realizacije fakultativnih izleta.